

六
典
通
考

六典通考卷五十一

湖西間鎮珩輯

膳飲考

歷代膳飲

秦置六尚有尚食焉

天子之物曰尚

又置太官令丞

漢少府屬官有太官湯官導官

太官主膳食湯官主餅餌導官主擇米

諸令丞

胞人長丞

胞人主宰割者胞與苞同

又有太官獻食丞

陳湯傳

太官獻丞

主貢

尚食

後俱并于太官湯官

食監

霍光傳

及御羞兩丞

御羞地名土肥沃多出美物可

進者上林苑中昆明池鑄池牟首諸池取魚鼈給祠祀用魚鼈

千枚以上餘給太官上林苑中以養百獸禽鹿嘗祭祠祀賓

客用鹿千枚麋兔無數伏飛具繒繳以射鳧雁應給祭祀置

酒每射收得萬頭以上給太官皇后五日一上食食賜上左

右酒肉畱宿明日平旦歸中宮太官尚食用黃金卸器中官

私官尚食用白銀卸器漢舊儀齊則食文二人旋太官職在

典司王饗掌六清之飲陳八珍之饌慎口實之御防有敗之

奸正百官之羞納四韭之供揚雄太官箴時惟膳夫實司王饗漢以正月旦

造酒八月成名曰九醞一名醕耐丁字漢儀耐金律文帝所加以正月旦作酒八月成

名耐酒因令諸侯助祭貢金太子食官令丞各一人文帝鍾愛太子景帝命太官每具兩楨食

以賜景帝居禁中召條侯賜食獨置大馘無切肉又不

置楮條侯心不平願謂尚席取楮尚席主席者與服雜事云尚席掌武帳帷幔箸者食

所用武帝以伏日詔賜從官肉太官丞日晏不來東方朔獨

拔劍割肉謂其同官曰伏日當蚤歸請受賜即懷肉去太官

奏之朔入上曰昨賜肉不待詔以劔割肉而去之何也朔免

冠謝上笑賜酒一石肉百斤昭帝時釣得蛟長三丈帝曰此

魚鱠之類命太官爲鮓骨肉青紫食之甚美帝更求之不獲

珍羞紀要曰鮓菹也昌邑王居喪道上不素食在道上常食

以鹽米釀魚肉爲之制而鄭康成解喪服素食肉非居喪之

云平常之食失之遠矣與從官官奴夜飲湛沔於酒沈沔

也詔太官上乘輿食如故食監奏未釋服未可御故食復詔

太官趣具無關食監關由太官不敢具即使從官出買雞豚

詔殿門內以爲常內入也令每日常入雞豚

後漢太官令秩六百石掌御飲食尚書陳忠奏太官宜著兩梁冠也太官謁者皆細纈

大冠白左丞主飲食甘丞主膳具湯官丞主酒果丞生果太

稱單衣官湯官奴婢各三千人置酒皆提縹蔽膝樂官令六百石主

春御米及作乾糲丞一人太宰令六百石掌宰工鼎俎饌具之物凡國祭祀掌陳饌具丞一人諸陵食官令六百石掌望

晦時節祭祀廩犧令六百石掌祭祀犧牲鴈鷺之類西漢屬

左馮翊

韓延壽爲馮翊奏蕭望之在任時廩犧官錢放散百餘萬

中興屬河南尹魯國陳

正叔爲光武太官令時黃門郎宿與正叔有隙因進食以髮

貫炙中光武見髮救斬正叔正叔曰臣有當死罪三熾以爐

炭增治吐炎燹爐爛肉而髮不銷臣罪一也拔出佩刀砥礪

五石虧肥截骨不能斷髮臣罪二也臣與丞及庖人六目而

視不如黃門兩目臣罪三也詔赦之收黃門獻帝興平二年

李催移乘輿幸北塢門內外隔絕諸侍臣皆有饑色帝求米

五斛牛骨五具以賜左右催曰御脯上飯何用米爲乃與腐

牛骨皆臭不可食帝大怒侍中楊琦諫止之

魏太官令如漢制

魏略時苗爲壽春令遷官太官領中都中正定九品之正也

太祖禁酒

而人竊飲故難言酒以白酒爲賢者清酒爲聖人

武帝上九醞酒法奏

臣縣故令南陽鄧芝有九醞春酒法用麴三十斤流水五石臘月二日清麴正月凍解用好稻米漉去麴滓便釀法飲日辟諸蟲雖久多完三日一釀滿九石米止臣得法釀之嘗善其上清滓亦可飲若以九醞苦難飲增爲十釀差甘易飲不病今謹

上獻

文帝以張登爲太官令詔曰登忠義彰著在職功勤

名位雖卑直亮宜顯饗膳近在當得此吏又與羣臣詔曰新

城孟太守道蜀朮羊雞鶩味皆淡故蜀人作食喜着節密陳

王製馳蹄爲羹一甌值千金號七寶羹

晉太官令屬光祿勳

何曾字穎考厨膳滋味極於王者每燕會並不食太官所設何劭字敬祖食必

四方珍異一日之供以錢二萬爲限時論以太官御膳無以加之

太子上食官令職如太官

令太子家令主穀貨飲食職比司農少府武帝太康中詔曰
尚書令荀勗既久羸毀可賜乳酪太官隨日給之是時尚書
郭奕有疾日賜酒米各五升猪羊肉各一斤石崇崔亮母疾
賜清酒粳米各五升猪羊肉各一斤半惠帝到華陽河間王
遣使上甘果甘舖二百幡帝還洛陽道間於客舍作飲食官
人有持升餘秠米飯澆以供至尊元帝始鎮建業每得一豚
以爲珍饈項上饒尤美輒以薦帝羣下未嘗敢食呼爲禁饗

丙

宋太官令丞一人

毛修之嘗爲羊羹薦魏尚書以爲絕味獻之武帝大悅以爲太官令被寵遂爲尚書

封南郡公太官令如故

築官令丞各一人掌春御米

築擇也擇米令精也司馬相如封禪

書云導一莖六穗於庖

東宮掌侍臣常食唱飯二人初高祖爲宋公至

長安得姚泓時故太官丞程季者了了人也公曰今日之食何者最先季曰仲秋禦景離蟬欲靜變變曉風淒淒夜冷臣當此景惟能說餅公曰善季乃稱曰安定噎鳩之麥洛陽董德之磨河東長若之蔥隴西舐肯之犢枹罕赤髓之羊張掖北門之豉然以銀屑煎以金銚洞庭負霜之橘仇池連蒂之椒調以濟北之鹽剉以新豐之雞細如華山之玉屑白如梁甫之銀泥既聞香而口悶亦見色而心迷公曰善及卽帝位性儉諸子飲食不過五盞盤江夏王義恭須求果食日中無筭得未嘗噉悉以與人後魏太祖至彭城求酒并甘橘孝武帝致螺杯雜櫻文帝宴於武帳堂上敕諸子且勿食至會所賜饌曰盱食不至有饑色上戒之曰汝曹少長豐佚不見百姓艱難今使爾識有饑之

苦

齊太官令一人丞一人屬起部亦屬領軍

明帝儉約太官進餅帝曰我食此不

盡雷充

晚食也食官局酒吏一人高祖置酒爲樂羹膾既至崔祖思

謂此味爲南北所推侍中沈文季曰羹膾吳食非祖思所解祖思曰魚鱉膾似非勾吳之詩文季曰千里尊羹豈關魯衛之說上甚悅曰尊羹故應還沈明帝尤好鱈鯪以銀鉢盛蜜漬之一食數鉢

梁太官令屬門下省太子舍人所屬有食官局置有司以承其事武帝時高昌國遣使貢刺蚤帝命杰公迓之謂其使曰刺蜜是鹽城所生非南平城者使者曰其年風災刺蜜不熟故爾帝問杰對曰南平城羊刺無葉其蜜色明白而味甘鹽

城羊刺有葉其蜜色青而味薄以是知蜜之偽焉

後魏分太官爲尚食中尚食知御膳隸門下省而太官掌百

官之饌屬光祿卿

毛循之能爲南人飲食手自煎調多所適意世祖親待之進太官尚書封南郡公常

在太官主進御膳

太宗嘗引崔浩論事語至中夜太宗大悅賜浩縹

醪酒十斛水精戎鹽一兩曰朕味卿言若鹽酒故與卿同其味也

北齊光祿寺掌諸膳食帳幕器物統太官

掌食膳事有藏器物

事清漳

主酒歲二萬石春秋中半

等署署各有令丞太子家令領食官其

監官又別領器局酒局一丞殿內典膳局監丞二人武成時

河南王孝瑜特蒙禮遇帝在晉陽手敕之曰吾飲汾酒二盃

勸汝鄴酌兩盃

崔瞻在御史臺恆於宅中送食備盡珍羞別室獨餐有河東人士姓裴亦爲御史伺瞻便

往造馬磨不與交言又不命七筋裴坐觀膳食罷而退明日
自攜七筋恣情飲噉乃謂裴云我初不喚君食亦不共君
語君遂不拘小節昔劉毅在京口冒請鷓鴣炙
豈亦異於是乎君定名士於是每與同食

後周小膳部下大夫上士內膳外膳上士中士典庖典館酒
正館藏掌醢司鼎俎掌冰中士下士

隋門下省有尙食局典御二人直長四人食鑿四人光祿寺

統太官肴藏良醢掌醢等署各置令太官三人肴藏良醢各二人掌醢一人丞

太官八人肴藏掌醢各二人良醢四人又有監膳十二人掌醢五十人掌醢十

人太子典膳局置監丞各二人食官局令一人丞二人煬帝

增設殿內省統尙食局置奉御二人直長六人又有食醫等

員大業十二年六月吳郡獻太湖鯉腴膳四十坩純以鯉坩

爲之計一坩饒用鯉魚三百頭肥美之極冠於鱸鯖

唐光祿卿之職掌邦國酒醴膳羞之事總大官珍羞良醞掌醞四署之官屬修其儲備謹其出納少卿爲之貳凡國有大祭祀則省牲鑊視濯漑若三公攝祭則爲之終獻朝會燕饗則節其等差量其豐約以供焉太官令掌供膳之事丞爲之貳凡祭之日則自卿詣諸厨省牲鑊取明水於陰鑑取明火於陽燧火以供爨帥宰人以鑿刀割牲取其毛血實之於豆遂烹牲焉又帥進饌者實簠簋設於饌幕之內凡冬至圓丘之祀昊天上帝遶豆各十二簠簋甗俎各一配帝亦如之五帝遶豆各去其二大明夜明又去其二內官中官遶豆各二簠簋俎各一外官眾星遶豆各一簠簋俎各一孟春祈穀祀於昊天上帝配帝五方帝如冬至之儀孟春雩祀昊天上帝

配帝五方帝如祈穀之儀五帝邊豆各用八簠簋瓿俎各一
五官邊豆各二簠簋俎各一季秋享明堂如雩祀五郊迎氣
正坐配坐邊豆各十二簠簋瓿俎各一五星十二辰二十八
宿五官邊豆各二簠簋俎各一蜡祭大明夜明邊豆各十簠
簋俎各一神農伊耆邊豆各四簠簋俎各一五星已下凡九
十八坐邊豆各二簠簋俎各一邱陵以下凡八十五坐邊豆
各一簠簋俎各一朝日夕月邊豆各十簠簋瓿俎各一風師
雨師靈星司中司命司人司祿邊豆各八簠簋俎一夏至方
丘祭皇地祇邊豆各十二簠簋瓿俎各一配帝亦如之神州
邊豆各四簠簋瓿俎各一嶽鎮已下邊豆各二簠簋俎各一
邱陵已下邊豆各一簠簋俎各一孟冬祭俎神州邊豆各十

二簠簋甗俎各一配帝亦如之太社太稷邊豆各十簠簋鉶
俎各二配帝亦如之馬祖馬社先牧馬步邊豆各八簠簋俎
各一時享太廟每室邊豆各十八簠二簋二甗三鉶三俎二
七祀及配帝功臣每坐邊豆各二簠簋俎各一舊制邊豆十
年加邊豆各六二帝社先蠶邊豆各十簠二簋二甗三鉶三俎三配
坐亦如之司寒邊豆八簠簋俎各一五龍祠每坐邊豆各八
簠簋甗鉶俎各一釋奠於孔宣父邊豆各十簠簋各二甗鉶
俎各三配坐亦如之從祀八十六坐邊豆各二簠簋俎各一
釋奠於齊太公邊豆各十簠簋各二甗鉶俎各三配坐亦如
之凡邊之實有形鹽魚脯棗栗菱芡白餅黑餅餌粉饗豆之
實有醯醢飽食糝食豚胸簠簋之實有黍稷稻梁甗實太羹

銅寶肉凡祭有牲者皆豚右胖體十一前節三肩臂屬後

代膈二背二骨以並春從前爲正肅傍中爲正凡朝會燕饗九品已上並供其膳食

凡供祭祀致齋之官則皆視其品秩爲之差降若國子監春

秋二分釋奠百官之觀禮亦如之左右廂南衙文武職事五

盤餘供中書門下供奉官及監察御史每日常供具三羊六

參之日加一羊馬行奉從官奉六羊釋奠觀禮具五羊冬月

則加造湯餅及黍臠夏月加冷淘粉粥寒食加餠粥五月七

日三月三日加煎餅正月十五日晦日加饊粥五月五日加

粽棧七月七日加餠餅九月九日加饊凡行幸從官應供

膳食亦有名數其南北衙從官宏文崇文館史官集賢殿凡

宿衛當上及命婦朝參燕會者亦如之珍羞令掌供庶羞之

事丞爲之貳以寶邊豆陸產之品曰榛栗脯修水物之類曰

魚鹽菱芡辨其名數會其出入以供祭祀朝會燕饗之禮良

禮令之職掌供邦國祭祀五齊三酒之事丞爲之貳五齊一曰汎齊二曰醴齊三曰醢齊四曰醞齊五曰沈齊三酒一曰事酒二曰昔酒三曰清酒凡郊祀之日帥其屬以實尊罍太尊爲上實以汎齊著尊次之實以醴齊犧尊次之實以醢齊象尊次之實以醞齊壺尊次之實以沈齊犧尊次之實以三酒配帝著尊爲上實以沈齊犧尊次之實以醞齊象尊次之實以盎齊山罍爲下實以清酒五帝日月俱以太尊實以沈齊其內官之象尊實以醴齊中官之壺尊實以沈齊外官之概尊實以清酒眾星之散尊實以旨酒齊加明水酒加元酒各實於上尊若享太廟供其鬱鬯之酒以實六彝若應進者則供春暴秋清醑醪桑落等酒

內有郢州春酒本因其州出美酒初張去奢爲刺史進其

法後乃取郢州人爲酒
匠以供御及時燕賜

掌醢令掌供醢醢之屬而辨其名物

丞爲之貳一曰鹿醢二曰兔醢三曰羊醢四曰魚醢和其麩

菜視其多少而爲之品齊凡祭神祇享宗廟用菹醢以實豆

燕賓客會百官用醢醬以和羹糜犧令掌薦犧牲及黍盛之

事丞爲之貳凡三祀之牲牢各有名數

昊天上帝之牲以蒼
犢皇帝之牲以黃

犢神別之牲以動植五帝之牲各以方色犢大地祇之牲以黃

白牲宗廟社稷以牛風師雨師靈星司中司命司人司祿及五

公陶等皆以太牢風師雨師靈星司中司命司人司祿及五

龍祠司冰諸太子廟皆以少牢其餘則以特牲凡冬至園丘

如羊下各九夏至方丘羊系各五五郊迎氣羊凡大祀養牲

在滌九句中祀三句小祀一句其牲方色難備者以純色代

之凡告祈之牲不養凡祭祀之犧牲不得捶扑傷損死則埋
之病則易之凡籍田所收九穀納于神倉以供粢盛及五齊

三酒之用若有餘及穰藁供飼犧牲焉凡供別祀用太牢者

則三牲加酒脯及醢

續羊猪各一酒二
斗脯四段醢四各

凡大祭祀則與太祝

以牲就腍位太常卿省牲則北面告脯乃牽牲以授太官而

用之尚食奉御掌供天子之常膳隨四時之禁適五味之宜

春肝夏心秋肺冬腎四季之月脾
皆時王不可食五味酸鹹甘苦辛

當進食必先嘗凡天下諸

州進甘滋珍異皆辨其名數而謹其儲供直長爲之貳凡元

正冬至大朝會饗百官與光祿視其品秩分其等差而供焉

其賜王公已下及外方賓客亦如之若諸陵月享則於陵所

視膳而獻之

諸陵須上食陵別殿中省主膳三十人分
番上下每季差官相監於陵所造食供進

食醫

掌和齋所宜主食掌率主膳以供其職

正字通唐少府監御
饌用九盤裝累名九

餽內侍省尚食掌供膳羞品齊總司膳司醢司藥司餼凡進

食先嘗司膳二人掌烹煎及膳羞米麪薪炭凡供奉口味皆

種別封印典膳掌膳各四人掌調和御食溫涼寒熱以時供

進則掌之有女史司醞典醞掌醞各二人掌酒醴醕飲以時

進御女史司饌典饌掌饌各二人掌給宮人餼食薪炭皆有

等及受付則旬別案記女史東宮典膳郎掌進膳嘗食丞爲

之貳每夕更直於厨龍朔二年改典膳監曰典膳家令寺家

令一人從四品上掌飲膳總食官祭祀賓客則供酒食食官

令掌膳飲之事丞爲之貳凡爲酒醴以辨其麴蘖黍稷秬稻

之宜陶器水火之用以成乎沈浮清濁之良凡爲膳羞必辨

其牲牢禽獸之名物割烹煎和之制度以協乎五味五香之

正然後可以供其享獻焉凡四時之令節供進及設食得專

營造不用啟聞其六品已有官於家令厨食者元正冬至寒

食亦供焉左右庖牙前坐日職事官三品以上供十盤宮臣

六參日二十五盤其食有餘賜左右春坊供奉官詹事司直

若非坐日供三盤丞判署事

肅宗爲太子時嘗侍膳尚食置熟俎有羊臂膾上願使太子割

二人掌進食先嘗總掌食女史四人掌食三人掌膳羞酒醴

燈燭薪炭器皿女史四人膳部郎中員外郎掌邦之牲豆酒

薦辨其品數凡非因大禮不得獻食若因大慶獻食及所司

儀進並不得用犢若特羊至厨生羔者放長生

若大齋日皆進素食其應

王已下常食料各有差

每日細白米二升梗米梁米各一斗五升粉一升油五升鹽一升醋二升

蜜三合粟一斗梨七顆酥一合乾棗一升木樨十根炭十斤
蔥韭豉蒜薑椒之類各有差每月給羊二十口猪肉六十斤
魚三十頭各三品已上常食料九盤每日細米二升二合粳
一尺酒九斗三品已上常食料九盤每日細米二升二合粳
一升半羊肉四分醬四分醋四分瓜三顆鹽豉蔥薑葵菜
之類各有差木樨春二分冬三分五釐炭春三斤冬五斤四
品五品常食料七盤每日細米二升麵二升三合酒一升半
及決四日停肉給油一合小六品已下九品已上常食料五
豆三合三品已上亦同此
盤每日白米二升麵一升一合油三勺小豆一合醬三合凡
諸王已下皆有小食料午時粥料各有差復有設食料設會
料每事皆加常食料又有節日食料謂寒食麥粥正月七日
五日並晦日膏糜五月五日粽棗七月七日所餅九月十
九日糜糕十月一日黍臚皆有等差各有配食料
蕃客
在館食料五等蕃客設食料蕃客設會料各有等差馬初高
祖朝諸宰臣於政事堂供饌珍美議減其料東臺侍郎張文

瓊曰此食天子所以重機務待賢才也吾輩若不任其職當

自陳乞以避賢路不可減削公膳以邀名譽元宗置麴清潭

砌以銀甌泥以石粉貯三辰酒一萬車賜當制學士

蒲萄酒西域有

之前代時有貢獻及破高昌收馬乳蒲萄實於苑中種之並得其酒法代宗時李泌請里閭釀

宜春酒以祭勾芒神祈豐年帝悅乃著令宣宗賜韋澳孫宏

銀餅飲食之甚美皆乳酪膏腴之所爲懿宗迎佛骨入內道

場薦瓊膏乳訶陵國所獻也

周顯德二年八月甲寅內庫法酒初熟帝面賜宰臣樞密使

以下數爵而止四年二月辛酉詔文武百官今後凡遇入閣

日宜賜廊滄八月乙卯朔御崇元殿文武百官入閣既罷賜

百官廊滄時帝御廣德殿西樓以觀焉命中黃門閱視酒饌

無不精腆

宋膳部郎中員外郎掌牲牢酒醴膳羞之事凡所用物前期計度以關度支若祭祀朝會宴享則同光祿寺官視其善否酒成則嘗而後進季冬命藏冰春分啟之以待供賜分案七置吏九殿中尙食局掌膳羞之事尙醞局掌酒醴之事太常寺廩犧案掌歲中祠祭祀牢羊豕滌室光祿寺卿掌祭祀朝會宴享酒醴膳羞之事修其儲備而謹其出納之政少卿爲之貳丞參領之凡祭祀共五齊三酒牲牢鬱鬯及尊彝邊豆簠簋鼎俎鉶登之實前期飭有司辨具牲鑊視滌濯奉牲則告充告備共其明水火焉禮畢進胙於天子而頒於百執事分案五置吏十政和六年監察御史王桓奏祭祀牢醴之具

掌於光祿而寺官未嘗臨視請大祠以長貳期祭及中祠以永簿監視宰割禮畢頒胙有故及小祠聽以其屬攝從之及

中興後廢併入禮部太官令掌膳羞割烹之事凡供進膳羞

則辨其名物而視食之宜謹其水火之齊祭祀共明水明火

割牲取毛血牲醴以爲鼎俎之實朝會宴享則供其酒膳景德

時契丹初來賀承天節擇膳夫五人齋本國異凡給賜視其

味就尙食局造食詔賜膳夫衣服銀帶器帛崇甯三年置尙

品秩而爲之等元祐初罷太官令二年復置食局太官令惟

掌祠法酒庫內酒坊掌以式法授酒材視其厚薄之齊而謹

其出納之政若造酒以待供進及祭祀給賜則法酒庫掌之

凡祭祀供五齊三酒以寶尊彝內酒坊惟造酒以待餘用大

官物料庫掌預備膳食薦羞之物以供大官之用辨其名數

而會其出入翰林司掌供果實及茶茗湯藥牛羊可供應所
 掌供大中小祀之牲牲及大官宴享膳羞之用乳酪院掌供
 造酥酪油醋庫掌供油及鹽截外物料庫掌收儲米鹽雜物
 以待膳食之須凡百官頒給者取具焉仁宗語近臣昨宵不
 日何不取索日
 恐遂為御耳司農寺掌供籍田九種大中小祀供豕及蔬
 果凡苑園行幸排比及薦饗進御頒賜植藏之物戒有司先
 期辦具造麩槩儲薪炭以待給用園苑四玉津瑞聖宜春瓊
 林苑掌種植蔬蒔以待供進都麩院掌造麩以供內酒庫酒
 醴之用及出齋以收其直水磨務掌水磴磨麥以供尚食及
 內外之用

遼北面御蓋局曰御蓋郎君南面尚食局曰尚食奉御崇祿

寺本光祿寺避太宗諱改歲正旦國俗以糲飯和白羊髓爲餅丸之若拳每帳賜四十九枚戊夜各於帳內窗中擲丸於外五月重五日午時君臣宴樂渤海膳夫進艾糕九月重九日天子率羣臣部族射虎少者爲負罰重九宴射畢擇高地卓帳賜番漢臣僚飲菊花酒兔肝爲鸞鹿舌爲醬又研茱萸酒酒門戶以檜襪冬至日屠白羊白馬白鴈各取血和酒

金世

宗曰亡遜日屠食羊三百亦豈能盡食徒傷生耳

金尙食局

元光二年參用近侍奉御奉職

掌總知御膳進食先嘗兼管從官

食

世宗諭之曰太官之食皆民脂膏日者品味太多直長一不可備舉徒爲虛費自今止進可口者數品而已

世宗以所進御膳味不調適有旨問之尙食局直長言臣聞老母病劇私心憤亂如喪魂魄以此有失嘗視臣罪萬死上嘉其孝

都監三生料庫都監同監掌給受生料物色茶果直長

都監果子都監同監各一員掌給受進御果子

本局本尙醞把四人

署令丞掌進御酒醴直長酒坊使掌醞造御酒及支用諸色酒醴市買司天德二年更爲市買局使掌收買宮中所用果

實生料諸物內官尙食二人掌知御膳進食先嘗司膳司醴

司餽事司膳四人典膳四人掌膳四人女史四人掌膳羞器

皿司醞二人典醞二人掌醞二人女史二人掌酒醴司餽二

人典餽二人掌餽二人女史二人掌宮人食并柴炭之事皇

后位下掌饌奉饌各一員掌飲食湯藥酒醴蔬果之事世宗

卽位詔減御膳及宮中食物之半

時宴夏使貞元殿故事外國使三節人從皆坐廳下

賜食上察其食不精煥曰何以

嘗謂宰臣曰女直官多謂朕

服用太儉朕謂不然夫一食多費豈爲美事况朕年高不欲

屠宰物命貴爲天子能自節約亦不惡也又曰朕常日御膳亦從減省常有一公主至至無餘膳可與當直官皆目睹之若欲豐腆雖日用五十羊亦不難矣然皆民之脂膏不忍爲也大定二十七年詔罷曷懶路所進海蔥及太府監日進時果日蔥果應用幾何徒勞人耳惟上林諸果三日一進東宮典食令丞承奉膳羞掌飲令丞承奉賜茶及酒果之事

選舉志果

子本經奉膳奉飲生料庫本把謂之正班局分尙食局厨子果子厨子食庫車本把謂之雜班局分貞元元年制尙食局厨子授府州

作院都監

元宣徽院掌供玉食凡稻梁牲牢酒醴蔬果庶品之物燕享宗戚賓客之事尙食尙醞局隸焉光祿寺掌起運米麴諸事領尙飲尙醞局沿路酒坊各路布種事至元十五年罷都提

點置寺設卿及少卿主事等員二十三年復爲光祿寺卿大
都尚飲局中統四年始置設大使副使各一員俱帶金符掌
醞造上用細酒至元十二年增設副使二員上都尚飲局皇
慶中始置提點一員大使副使各一員大都尚醞局掌醞造
諸王百官酒醴中統四年立御酒庫設金符宣差至元十一
年始設提點上都尚醞局至元二十九年始置大都醞源倉
掌受香莎蘇門等酒材糯米鄉貢麴藥以供上醞及歲賜諸
王百官者至元二十五年始置上都醞源倉掌受大都轉輸
米麴并醞造車駕臨幸次舍供給之酒至元二十五年始置
尚珍器掌收濟甯等處田土子粒以供酒材至元十三年始
立十五年罷入有司安豐懷遠等處稻田提領所掌稻田布

種歲收子粒轉輸體源倉定置提領二員尙食局掌供御膳
及出納油麪酥蜜諸物至元二年置提點領進納百色生料
二十年省併尙藥局爲尙食局輟咻錄國朝日進御膳例用
五羊而上自卽位以來日減
一羊以歲計之爲數多矣別置生料庫本局置提點大使副使直長等員
大都生料庫至元十一年置生料野物庫隸尙食局二十年
別置庫擬內藏庫上都生料庫掌受宏州大同虎賁司農等
歲辦油麪大都起運諸物供奉內府放支宮人宦者飲膳提
點大使各一員副使二員大都大倉上都大倉掌內府支持
米豆及酒材米麪藥物至元五年初立設官三員俱受制國
用使司劄付十二年改立提舉沙糖局掌沙糖蜂蜜煎造及
方貢果木至元十三年始置十七年置提點一員永備倉至

元十四年始置給從九品印掌受兩都倉庫起運省部計置油麪諸物及雲需府所辦羊物以備車駕行幸膳羞豐儲倉大使掌出納車駕行幸支持膳羞滿浦倉掌收受各處子粒米麪等物以待轉輸京師至元二十五年始置龍慶栽種提舉司管領緡山放輸梁米并易州龍門淨邊官園瓜果桃李等物以奉上供至元十七年始置提舉司延祐七年緡山改爲龍慶州因以名之典飲局大使副使掌醞造酒醴以供內府及祭祀宴享賓客賜頒之給初置嘉醞局隸家令至大二年改典飲兩都分置皇慶元年撥隸中宮儲膳司卿四員少卿二員掌皇太子飲膳之事天歷二年立典膳署丞各二員桑齊三十五人掌內府飲膳之事至元十九年始立隸家令

司三十一年改掌膳隸內宰泰定元年復改爲典膳洪濟鎮

提領掌辦納鴈隻隸典膳署嘉胤局至元十七年立掌飲局

大德十一年改掌飲司延祐六年降司爲局至治三年罷泰

定四年復立天歷二年改嘉胤局有提點大使副使各二員

明禮部精膳司分掌宴饗牲豆酒膳之事凡御賜百官禮食

曰宴曰酒飯爲上中下三等視其品秩蕃使土官有宴有下

程宴前一次有二次下皆辨其等親王之藩王公將軍來朝

及使使人亦如之凡膳羞酒醴品料光祿是供會其數而程

其出納焉凡厨役僉諸民以給使於太常光祿年深者得選

充王府典膳凡歲藏冰出冰移所司謹潔之光祿寺卿少卿

其屬典簿應典簿錄事各一人太官珍羞良醞掌醞四署各

六典百考 卷五十一 七

置正一人卿祭享宴勞酒醴膳羞之事率官屬辨其名數
 會其出入量其豐約以聽於禮部凡祭祀同太常省牲天子
 親祭進飲福受胙薦新循月令獻其品物喪葬供奠饌所用
 牲果茶物取之上林苑不給市諸民視時估十加一其直
 季支天財庫四方貢獻果鮮厨料省納惟謹器皿移工部及
 募工兼作之歲省其成敗凡筵宴酒食及外使降八具差其
 等而供給焉傳奉宣索籍記而覆奏之監以科七官一員察
 其出入糾禁其姦弊歲四月至九月凡御用物及祭祀之品
 皆用冰太官供祭品宮膳節令筵席春明夢餘錄大宴之外
如遇立春日春餅元宵
圖子四月初八日佛誕日用不落英端午涼糕糉子重陽糕
臘八日麩俱先期奏請至日早朝畢復奏百官隨一拜三叩
頭起宴畢復一拜三叩頭而出嘉靖十四年四月上諭夏言
日內殿禮儀四月八日俗事宜革其賜百官不落英亦當改

已復諭曰禮記月令謂是月麥先熟薦寢廟今歲以孟夏之五日薦麥內殿賜百官麥餅大學士張孚敬李時奏曰不落英者相沿釋氏之說於理無據仰見皇上據經析理得先王遺意遂著爲令查神宗年光祿司誌稱四月初八日英華殿欽安殿用大不落英二百對小不落英三百對而乾清坤甯翊坤等宮每宮大五十對小一百對各小宮大三十對小五十對多人每不落英四個皆以糯米粳米黑糖蜜紅棗爲之則世廟所廢神宗時似復行矣惟宴改爲麥餅則在四月初五日於午門前宴百官有上桌中桌二樣閣部單坐宮坊以下各雙坐 蕃使宴犒之事珍羞供

宮膳肴核之事良醞供酒醴之事掌醞供餉油醢醬梅鹽之事司牲養牲視其肥瘠而蠲滌之司牧亦如之初吳元年置宣徽院設院使同知院判典簿尙食尙醴二局大使副使洪武元年改爲光祿寺所屬尙食尙醴二局又移太常寺司供需庫隸之二年設直長遇百官賜食御前者則令供事四年設內酒坊孳牧所法酒庫八年改寺爲司主簿爲典簿置太

官等署漸罷庫所坊局九年革去酒庫孳牧所尙食尙醴局

十年革內酒坊三十年復改爲寺正統六年裁四署冗員是

先本寺卿奈亭以供應事繁奏
十二年裁司牲司牧二局副使

是增各署官至是又奏裁之
嘉靖中革司牲局萬厯二年添設銀庫大使

正爲司牲局
通明光祿寺凡供用內府醴祭果品用簇釘工滋費孝
宗命改散裝曰奉天格祖在誠敬不在侈美後以爲例

官尙膳監司寫字監工及各牛羊等房廠監工無定員掌御

膳及宮內食用併筵宴諸事酒醋麪局掌宮內食用酒醋糖

醬麵豆諸物與御酒坊不相統轄司苑局掌蔬菜瓜果御酒

房提督太監掌造御用酒御茶房提督職司供奉茶酒瓜果

及進御膳牲口房提督收養異獸珍禽甜食房掌造辦虎眼

高絲等糖及諸甜食隸御用監女官尙食局掌膳羞品齊之

數凡以飲食進御尚食先嘗之司膳典膳掌膳女史各四人
掌割烹煎和之事司醞典醞掌醞女史各二人掌酒醴醢飲
之事司饌典饌掌饌各二人掌廩餼薪炭之事明初上供簡
省郡縣貢香米人參葡萄酒太祖以爲勞民卻之仁宗初光
祿卿井泉奏歲例遣正官往南京採玉面狸帝叱之曰小人
不達政體朕方下詔盡罷不急之務以息民豈以口腹細故
勞大信耶宣宗時罷永樂中河州官買乳牛造上供酥油者
以其牛給屯軍命御史二人察視光祿寺凡內外官多支及
諸案者執奏英宗初政三楊當軸減南畿孳牧黃牛四萬糖
蜜果品膳脯酥油茶芽稗糯粟米藥材皆減省有差撤諸處
捕魚官卽位數月多所撙節凡上用膳食器皿三十萬七千

有奇南工部造金龍鳳白瓷諸器饒州造硃紅膳盒諸器營膳所造以進宮中食物尙膳監率乾沒之帝令備帖具書如數還給景帝時從于謙言罷真定河間採野味直沾海口造乾魚內使天順八年光祿果品物料凡百二十六萬八千餘斤增舊額四之一成化初詔光祿寺牲口不得過十萬明年寺臣李春請增禮部尙書姚夔言正統間雞鶩羊豕歲費三四萬天順以來增四倍暴殄過多請從前詔後二年給事中陳越言光祿市物概以勢取負販遇之如被劫掠夫光祿所供昔皆足用今不然者宣索過額侵漁妄費也大學士彭時亦言光祿寺委用小人員辦假公營私民利盡爲所奪請照宣德正統間例斟酌供用禁止買辦於是減魚果歲額十之

一弘治元年命光祿減增加供應初光祿俱預支官錢市物
行頭吏役因而侵蝕乃令各行先報納而後償價遂有游手
號爲報頭假以供應爲名抑價倍取以充私橐御史李鸞以
爲言帝命禁止十五年光祿卿王珩列上內外官役酒飯及
所蓄禽獸料食之數凡百二十事乃降旨有仍舊者有減半
者有停止者於是放去乾明門虎南海子猫西華門鷹犬御
馬監山猴西安門大鴿等減省有差存者減其食料自成化
時添坐家長隨八十餘員傳添湯飯中官百五十餘員天下
常費不足於用乃責買於京師舖戶價直不時給市井負累
兵部尙書劉大夏因天變言之乃裁減中官歲省銀八十餘
萬武宗之世各宮日進月進數倍天順時厨役之額當仁宗

時僅六千三百餘名及憲宗增四之一世宗初減至四千一百名歲額銀撙節至十三萬兩中年復增至四十萬額派不足借支太倉太倉又不足乃令元供司府依數增派於是帝疑其乾沒下禮部問狀責光祿寺具數以奏帝復降旨詰責乃命御史稽覈月進揭帖兩月間省銀二萬餘兩自是歲以爲常先是上供之物任土作貢曰歲辦不給則官出錢以市曰採辦其後本折兼收採辦愈繁於是召商置買物價多虧商賈匿迹穆宗朝停止承天香米外域珍禽奇獸罷寶坻魚鮮凡薦新之物領於光祿寺勿遣中官皆從太監李芳請停徵加增細粳米白青鹽命一依成弘間例御史王宗載請停加派部議悉準元額果品百七萬八千餘斤牲口銀五萬八

千餘兩免加派銀二萬餘未行而神宗立詔免之

賜醕

秦始皇二十五年五月天下大醕

文穎曰醕周禮族師掌春

蘇林曰陳畱俗三月上巳水上飲食爲醕正義曰天下歡

樂大飲酒也秦既平韓趙魏燕楚五國故天下大醕也

漢律三人以上無故羣飲酒罰

五日十六年得玉杯令天下大醕

金四兩今詔橫賜令會聚飲食

後漢明帝永平十五年令天下大醕五日章帝元和二年令天下大醕五日賜洛陽人當醕者布戶一疋城外三人一疋唐貞觀二年九月賜天下大醕三日慶有年也

宋太宗雍熙元年十二月詔曰王者賜醕推恩與眾共樂所以表升平之盛事契億兆之歡心累朝以來此事久廢蓋逢

多故莫舉舊章今四海混同萬民康泰嚴禋始畢慶澤均行
宜令士庶之情共慶休明之運可賜酺三日二十一日御丹
鳳樓觀酺召侍臣賜飲自樓前至朱雀門張樂作山車旱船
往來御道又集開封府諸縣及諸軍樂人列於御街音樂襍
發觀者溢道縱士庶遊觀遷市肆百貨於道之左右召畿甸
耆老列坐樓下賜之酒食真宗景德三年九月詔許羣臣士
庶選勝宴樂御史臺皇城司毋得糾察四年二月甲申上御
五鳳樓觀酺宗室近臣侍坐樓前露臺奏教坊樂召父老五
百人列坐賜飲於樓下後二日上復御樓賜宗室文武百官
宴於都亭驛賜諸班諸軍將校羊酒大中祥符元年正月詔
應致仕官竝令赴都亭驛酺宴御樓日合預坐者亦聽又詔

朝臣已辭未見竝聽赴會凡賜酺命內諸司使三人主其事於乾元樓前露臺上設教坊樂又駢繫方車四十乘上起綵樓者二分載鈞容直開封復爲輶車二十四每十二乘爲之皆駕以牛被之錦繡縈以綵紉分載諸軍京畿伎樂又於中衢編木爲欄處之徒坊市邸肆對列御道百貨駢布競以綵幄鏤版爲飾上御乾元門召京邑父老分番列坐樓下傳旨問安否賜以衣服茶帛若五日則第一日近臣侍坐特召丞郎給諫上舉觴教坊樂作二大車自昇平橋而北又有旱船四挾之以進棚車由東西街交鷺竝往復日再焉東距望春門西連閭闔門百戲競作歌吹騰沸宗室親王近列牧伯泊舊臣宗室官爲設綵棚於左右廊廡士庶縱觀車騎填溢歡

呼震動第二日宴羣臣百官於都亭驛宗室於親王宮第三日宴宗室內職於都亭驛近臣於宰相第第四日宴百官於都亭驛宗室於外苑第五日復宴宗室內職於都亭驛近臣於外苑上多作詩賜令屬和及別爲勸酒詩禁軍將校日會於殿前馬步軍之廨是歲東封泰山所過州府上御子城門樓設山車綵船載樂從臣侍坐本州父老進奉使蕃客悉預兖州駐蹕仍賜羣臣會於延壽寺天禧五年以畿縣追集老人疲勞之故止召兩赤縣坊郭父老預會其不預名亦聽給以賜物天下賜酺各令州府會官屬父老邊州或遣中使就賜又詔開封府賜酺日舉人酺酒而不傷人者咸釋之再犯論如法後賜酺皆準此

方觀承曰周禮地官族師云春秋祭酺亦如之注云酺者爲人物災害之神也族長無飲酒之禮因祭酺而與其民以長幼相獻酬焉豈非卽酺飲之禮乎王氏曰古禮民不得羣飲故漢文賜民大酺五日此言春秋祭酺蓋亦祭社畢而民得相與飲酒因以書其行也据此則祭酺卽賜酺之始無疑故秦漢以來都行之但相沿而轉失其實或不
必祭酺而直賜之大酺五日耳

六典通考卷五十二

湖西閻鎮珩輯

膳飲考

歷代宴饗

漢高帝四年十一月西入關至櫟陽存問父老置酒留四日
五年夏五月帝置酒雒陽南宮六年三月上置酒封雍齒因
趣丞相急定功行封七年長樂宮成諸侯羣臣朝禮畢置法
酒諸侍坐殿上皆伏抑首以尊卑次起上壽觴九行謁者言
罷酒御史執法舉不如儀者輒引去竟朝置酒無敢謹譁失
禮者九年未央宮成高祖大朝諸侯羣臣置酒未央前殿高
祖奉玉卮起爲太上皇壽曰始大人常以臣無賴不能治產

業不如仲力今某之業所就孰與仲多殿上羣臣皆呼萬歲
 大笑為樂十二年冬十月上破布軍於會缶還過沛留置酒
 沛宮悉召故人父老子弟佐酒發沛中兒得百二十人教之
 歌酒酣上擊筑自歌曰大風起兮雲飛揚威加海內兮歸故
 鄉安得猛士兮守四方令兒皆和習之與沛父老諸母故人
 日樂飲極歡道舊故為笑樂十餘日上欲去沛父兄固請上
 曰吾人眾多父兄不能給乃去沛中空縣皆之邑西獻上留
 止張飲三日武帝建柏梁臺羣臣能賦七字者賜上座王尊傳成
 帝即位尊劾奏丞相匡衡正月行幸曲臺臨饗罷衛士衛與
 中二千石大鴻臚賞等會坐殿門下衡南鄉賞等西鄉衛更
 為賞布東鄉席起立延賞坐私語如食頃衡知行臨百官共
 譏萬眾會聚而設不正之席使下坐上相比為小惠於公門
 之下動不中禮亂朝廷
 傳扶之位有詔弗治

後漢季冬饗遣故衛士百官會位定謁者持節引故衛士入
自端門衛司馬執幡鉦護行行定侍御史持節慰勞以詔問
所疾苦受其章奏所欲言畢饗賜作樂觀以角牴樂闋罷遣
勸以農桑百官賀正月二千石以上上殿稱萬歲舉觴御坐
前司空奉饗大司農奉飯奏食舉之樂百官受賜宴饗大作
樂其每朔惟十月旦從故事者高祖定秦之月元年歲首也
安帝永初三年十二月詔饗遣衛士勿設戲作樂桓帝延熹
元年五月大會公卿以下賞賜各有差

先主初入蜀於涪大會置酒作樂

魏武都鄴正會用漢儀後文帝修洛陽宮室權都許昌宮殿
狹小元日於城南立瓊殿青帷以爲門設樂饗會後還洛陽
依漢舊事甘露元年二月帝宴羣臣於太極東堂與仲中荀

顓尚書崔贊袁亮鍾毓給事中中書令虞松等並講述禮典
遂言帝王優劣之差

晉武帝更定元會儀夜漏未盡七刻謂之晨賀晝漏上三刻
更出百官奉壽酒謂之晝會冬至日受方國及百僚稱賀因
小會明帝太甯改元臨軒停享宴之禮懸而不樂二年亦如
之

宋明帝泰豫元年春正月上有疾不朝會

齊高帝建元元年秋九月車駕幸宣武堂宴會詔諸王公以
下賦詩二年春三月車駕幸樂游苑宴王公以下賦詩武帝
永明二年八月車駕幸舊宮小會設金石樂在位者賦詩四
年閏正月以藉田禮畢車駕幸閤武堂勞酒小會五年三月

車駕幸芳林園禊宴九月詔曰九日出商飈館登高宴羣臣
梁武帝大同十年春三月幸回賓亭宴帝鄉故老太清元年
五月與駕幸德陽堂宴羣臣設絲竹樂

陳武帝永定二年冬十二月高祖於太極殿東堂宴羣臣設
金石之樂以路寢告成也宣帝太建四年冬十二月與駕幸
樂游苑采甘露宴羣臣七年閏九月甘露頻降樂遊苑復駕
幸宴羣臣

後魏永興四年四月宴羣臣於西宮使各獻直言五年十二
月大饗於西宮神瑞二年二月大饗於西宮太常七年二月
車駕還宮大饗於西宮太武始光二年九月永安安樂二殿
成大饗以落之文成太安四年九月太華殿成饗羣臣孝文

太和九年正月大饗羣臣於太華殿班賜皇誥十年正月帝始服袞冕朝饗萬國十六年正月饗羣臣於太華殿十月太極殿成大饗羣臣十七年正月饗百寮於太極殿十八年夏五月詔罷五月五日七月七日饗宣武景明三年十二月饗羣臣於太極前殿出帝永熙二年正月朝饗羣臣於太極殿北齊文宣帝天保元年十一月帝至自晉陽登三臺御乾象殿朝宴羣臣竝命賦詩

後周明帝武成二年春正月大會羣臣於紫極殿始用百戲三月重陽閣成會羣公列將卿大夫及突厥使者於芳林園賜錢帛各有差武帝天和元年春正月路寢成幸之令羣臣賦古詩京邑耆老竝預會焉三年春二月大會百寮及四方

賓客於路寢建德六年夏四月復大會

隋高祖開皇三年三月宴百寮十二年十一月有事於南郊
宴百寮頒賜各有差煬帝大業十一年正月大饗百寮

唐令節宴會儀太樂令設登歌於殿上二舞入立於縣南尙
舍設羣官升殿者坐文官三品以上於御座東南西向介公
鄴公在御座西南東向武官三品以上又於其後朝集使都
督刺史藩密三等以上座如立位設不升殿者座各於其位
羣官解劔席於縣之西北橫街之南尙食設壽尊於殿
東序之端西向設坵於尊南加爵一太官令設升殿者酒
尊於東西廂近北設在庭羣官酒尊各於其尊之南皆有坵
俱障以帷吏部兵部戶部主客贊羣官客使俱出次通事

舍人引就朝堂前位又引非升殿者次入就位侍中版奏外
辦皇帝改服通天冠絳紗袍御輿出自西房卽御座典儀一
人升就東階上通事舍人引公王以下及諸客使以次入就
位侍中進當御坐前北面跪奏稱侍中臣某言請延諸公王
等升又侍中稱制曰可侍中詣東階上西面稱制延公王等
升殿上典儀承傳階下贊者又承傳在位者皆再拜應升殿
者詣東西階至解劍席脫舄解劍升上公一人升階少東西
面立於座後光祿卿進詣階間跪奏稱臣某言請賜羣臣上
壽侍中稱制曰可光祿卿退升詣酒尊所西向立上公詣酒
尊所北面尙食酌酒一爵授上公上公受爵進前北面授殿
中監殿中監受爵進置御前上公退北面跪稱某官臣某等

稽首言元正首祚

冬至云天正長至

臣某等不勝大慶謹上千秋萬

歲壽再拜在位者皆再拜立於席後侍中前承制退稱敬舉公等之觴在位者又再拜殿中監取爵奉進皇帝舉酒在位者皆舞蹈三稱萬歲皇帝舉酒訖殿中監進受虛爵以授尚食尚食受爵於坳初殿中監受虛爵殿中典儀唱再拜階下贊者承傳在位者皆再拜上公就座後立殿上典儀唱就坐階下贊者承傳俱就座歌者琴瑟升坐笙管立階間尚食進酒至階殿上典儀唱酒至與階下贊者承傳坐者皆俛伏起立於席後殿中監到階省酒尚食奉酒進皇帝舉酒太官令又行羣官酒酒至殿上典儀唱再拜階下贊者承傳在位者皆再拜搢笏受觶殿上典儀唱就座階下贊者承傳皆就座

皇帝舉酒尙食進受虛爵復于玷觴行三周尙食進御食食至階殿上典儀唱食至興階下贊者承傳坐者皆起立座後殿中監到階省按尙食品嘗食訖以次進置御前太官令又行羣官按設食訖殿上典儀唱就坐階下贊者承傳皆就坐皇帝乃飯上下俱飯御食畢仍行酒遂設庶羞二舞作若賜酒侍中承詔詣東階上西面稱賜酒殿上典儀承傳階下贊者又承傳坐者皆起再拜立受禪就席坐飲立授虛爵又再拜就座酒行十二遍會畢殿上典儀唱可起階下贊者承傳上下皆起降階佩劔納舄復位位於殿庭者仍立於席後典儀曰再拜贊者承傳在位者皆再拜若有賜物侍中前承制降詣羣官東北西面稱有制在位者皆再拜侍中宣制又再

拜以次出侍中前跪奏稱侍中臣某言禮畢皇帝興御輿入
自東房東西面位者以次出高祖武德元年五月宴羣臣賜
帛各有差八月設宴二品以上賜雜綵各有差二年二月宴
羣臣臨奏九部樂賜錢各有差極歡而罷二年八月宴羣臣
奏九部樂於庭賜布帛各有差四年七月宴羣臣奏九部樂
於庭帝舉酒屬百官極歡乃罷賜錢帛各有差五年正月幸
昆明池宴從官三月宴羣臣賜帛各有差六年二月幸昆明
池宴百官四月改通義里舊宅爲通義宮置酒高會賜從官
帛各有差七年四月宴羣臣奏九部樂賜帛各有差八年二
月宴羣臣於元武門陳倡優爛熳之伎四月赤雀巢於殿門
宴五品以上上頌者十餘人極歡而罷五月宴五品以上及

外戚於內殿賦詩賜綵極歡而罷貞觀元年宴羣臣始奏秦王破陳之曲二年九月宴羣臣奏九部樂賜帛各有差三年正月宴羣臣奏九部樂歌太平舞獅子於庭賜帛有差四年七月宴羣臣於芳華殿奏九部樂於庭帝大悅親舉酒以屬羣臣羣臣奉觴稱慶極歡而罷賜帛各有差六年太宗行幸慶善宮宴羣臣於渭水之濱賦詩十韻其宮卽太宗降誕之所車駕臨幸每特感慶賞賜閭里有同漢之宛沛焉起居郎呂才以御製詩被之管絃名爲功成慶善樂之曲令童兒八佾皆進德冠紫袴裙爲九功之舞十八年二月詔三品以上賜宴於元武門帝工隸書好飛白於王衛之間別更立意遂觸類增長精妙絕倫每有新奇羣臣無不下拜啟請是日帝

操筆作飛白書羣臣乘酒就帝手中相競散騎常侍劉洎登御牀引手然後得之其不得者咸稱洎登御牀罪當死請引付法帝笑而言曰昔有婕妤好辭輦今見常侍登牀五月詔司徒長孫無忌以下十餘人於丹霄殿賜宴各賜膜皮高宗永徽三年二月宴三品於百福殿帝舉酒極歡賜綵錦各有差是月降甘雨相率宴樂兼奏倡優百戲帝御安福門樓以觀之中宗景龍四年三月幸臨渭亭修禊飲賜羣官柳捲以辟惡四月上遊櫻桃園引中書門下五品已上諸司長官學士等入芳林園嘗櫻桃令馬上口摘置酒爲樂又幸隆慶池結綵爲樓宴侍臣泛舟戲樂元宗開元十七年八月上以降誕日讌百寮於花萼樓下

此聖節設宴之始

二十五年正月望日命有

司於勤政樓前樹燈宴羣臣於樓下

正月望日設宴始此

二十八年正

月望日御勤政樓譙羣臣連夜燒燈會大雪而罷因命自今
常以二月望日爲之天寶四載二月敕今月十四十五十六
日宜令中書門下及兩省供奉官諸司文官四品以上郎官
御史節度採訪使等並於花萼樓下宴德宗貞元四年正月
宴羣臣於麟德殿設九部樂內出舞馬上賦詩一章羣臣屬
和九月詔曰比者卿士內外左右朕躬朝夕公門勤勞庶務
今方隅無事烝庶小康其正月晦日三月三日九月九日三
節日宜任文武百寮選勝地追賞爲樂每節宰相及常參官
共賜錢五百貫文翰林學士一百貫文左右神威神策等軍
每廂共賜錢五百貫文金吾英武威遠諸衛將軍共賜錢二

百貫文客省奏事共賜錢一百貫文委度支每節前五日支
付承爲常式其月賜宴曲江亭作重陽賜宴詩六韻賜之羣
臣畢和上品其優劣以劉太真李紆爲上等鮑防于召爲次
等張濛殷亮等二十人又次之惟李晟馬燧李泌三宰相之
詩不加優劣六年二月百寮會宴於曲江亭上賦中和節羣
臣賜宴七韻中和節名始此三月宴於曲江亭上賦上巳詩一篇十
年九月九日以雨罷宴明日方會宴十二年二月寒食節帝
御麟德殿之東亭觀武臣及勳戚子弟會毬兼賜宰臣讌饌
於宰臣位後施畫屏風圖漢魏名相仍紀其嘉言美行題之
於下宰臣各賜錦綵百疋銀瓶盤各一具其從官直省各有
差十四年二月上御麟德殿宴文武百寮先是上制中和樂

舞曲是日奏之日晏方罷比詔二月一日中和節宴以雨雪

改用此日上又賦仲春麟德殿宴羣臣詩八韻頒賜羣臣有

差聖節上元之宴始於元宗歲時令節之宴備於德宗自後諸帝皆踵行之今不悉著穆宗長慶三年

時韋縵爲太子侍讀綬之在書府遇重陽日百官有曲江之

宴特請與集賢學士等別爲一會從之文宗開成二年三月

罷曲江宴京兆尹封固封奏上巳日曲江宴緣初遇雨公

月十九日未失重九之意今上巳日改取十三日可乎融受命而退八月敕慶成節宜令京兆

尹準上巳重陽例於曲江會文武百寮延英奉觴宜權停十

月慶成節賜羣臣宴於曲江武宗會昌二年五月敕慶陽節

百官率醵外別賜錢三百貫以備素食合宴仍令京兆府供

帳用追集坊市樂人

秦蕙田曰唐時宴饗羣臣見於舊唐書及冊府元龜者多

矣元旦冬至朝會大宴也正月望日及晦日

德宗改二月朔名中和節

上巳寒食重陽及誕聖節俱有賜宴節宴也若無事而宴宰臣及三品四品五品以上不爲定期卽宋之曲宴也開元禮及唐書禮樂志惟有元至及千秋節饗會儀注其餘皆無之

後唐同光元年八月以內園新殿成名曰長春殿宴大臣賜

分賜差十月萬壽節宴長春殿賜百官分物又宴崇元殿

十二月宴羣臣於嘉慶殿

二年四月宴羣臣九月兩月各三宴明宗天設宴十月十一月

成元年五月宴文武百寮於長春殿二年二月宴武臣於長

春殿三月朔幸會節園宰相樞密使及節度使在京者共進

錢絹請宴四月幸會節園召宰臣學士在京勳臣赴宴八月
宴宰相學士及勳臣於長春殿九月宴在京藩侯郡守於長
春殿各有頒賜宴羣臣於長春殿賜物有差宴樞密使及在
京節度使內諸司使等於長春殿十月帝在汴宴宰臣學士
諸將校等於玉華殿清泰二年宰臣學士皇子樞密宣徽使
侍衛馬步軍都指揮使共進錢五十萬絹五百疋請開宴
晉高祖天福六年二月停買宴錢五月宴羣臣於永福殿七
月宴宰臣前任見任節度刺史統軍行軍副使於永福殿八
月宴文武百官於武德殿九月宴文武百官於武德殿諸道
進奉使來朝者亦與焉十月宴宰臣節度防禦團練使刺史
統軍行軍副使於畫堂十一月宴宰臣節度防禦團練使刺

史統軍行軍副使諸軍指揮使於文思殿諸道進奉使亦與焉

後漢隱帝乾祐三年三月嘉慶節羣臣入相國寺齊賜教坊樂入朝侯伯高行周以下以皇帝初舉樂獻銀縑千計請開御筵謂之賀宴宴羣臣於永福殿入覲諸侯貢獻上壽內樂百戲日宴而罷

後周太祖廣順元年三月宴羣臣於廣政殿四月幸城南園賜從官酒食未時還宮五月幸城南園賜從官酒食三年正月朔朝賀畢御永福殿百寮稱觴獻壽舉教坊樂世宗顯德元年七月宴文武百寮於永福殿五年五月宴文武於廣政殿是月帝謂侍臣曰向來御厨造食各分等差今後賜宴羣

臣食物並須類從所食不得更有分別閏七月宴文武百官於廣德殿九月賜宰臣樞密使三司使翰林學士中書舍人宴於玉津園張教坊樂先是帝以前代有賜百官觀稼之事復以是歲秋成又念內臣之勞故有是命

五代時羣臣例有買宴錢晉高祖嘗停止至後漢復行之本史及冊府所記一歲或數宴事近煩猥今皆不著宋制嘗以春秋之季仲及聖節郊祀藉田禮畢巡幸還京凡國有大慶皆大宴遇大災大札則罷天聖後大宴率於集英殿次宴紫宸殿小宴垂拱殿若特旨則不拘常制凡大宴有司預於殿庭設山樓排場爲羣仙隊仗六番進貢九龍五鳳之牀司天雞唱臚於其側殿上陳錦繡帷帘垂香毬設銀香

獸前楹內藉以文茵設御茶牀酒器於殿東北楹間羣臣醖

尊於殿下幕屋設宰相使相樞密使知樞密院參知政事樞

密副使同知樞密院宣徽使三司三公僕射尚書丞郎學士

直學士御史大夫中丞三司使給諫舍人節度使兩使畱後

觀察團練使待制宗室遙郡團練使刺史上將軍統軍軍廂

指揮使坐於殿上文武四品以上知雜御史郎中郎將禁軍

都虞候坐於朵殿自餘升朝官諸軍副都頭以上諸蕃進奉

使諸道進奉將軍以上分於兩廡宰臣使相坐以繡墩曲宴

用机參知政事以下用二蒲墩加屬毯曲宴樞密軍都指揮

使以上用一蒲墩自朵殿而下皆緋緣氍毹條席殿上器用金

餘以銀其日樞密使以下先起居訖當侍立者升殿宰相率

百官入宣徽閣門通唱致辭謝宰相升殿進酒各就坐酒九
行每上舉酒羣臣立侍次宰相次百官奉酒或傳旨命酌卽
搯笏起飲再拜曲宴多
命不拜或上壽朝會止令滿酌不勸中飲更
衣賜花有差宴訖舞蹈拜謝而退建隆元年大宴於廣德殿
酒九行而罷乾德元年十一月南郊禮成大宴廣德殿謂之
飲福是後三年開寶三年五年六年七年八年並設秋宴於
大明殿以長春節在二月故也太平興國之後止設春宴在
大明書十一在含光者六宴日親王樞密使副宣徽三司使
駙馬都尉皆侍立軍校自龍武四廂都指揮使以上立於庭
其宴契丹使亦於崇德殿但近臣及刺史郎中而上預焉淳
化四年南郊禮成大宴含光殿直史館陳靖上言饗宴者所

以省禍福而觀威儀故宴以禮成賓以賢序近年內殿賜宴
羣臣當坐於朵殿兩廊者拜舞方畢趨馳就席品列之序糾
紛無別及至尊舉爵羣臣起立先後不整俯仰失節望自今
令有司預依品位告諭其有踰越班次拜起失節喧嘩過甚
者並令糾舉又飫賜以寵武夫大烹故爲盛饌一飯所費可
數人屬厭而將校輩或終宴之時尙有欲炙之色蓋執事者
失於察視不及潔豐望並申嚴制至道元年三月御史中丞
李昌齡亦言廣宴之設以均飫賜而有位之士鮮克致恭當
糾其不恪又供事禁庭當定員數籍姓名以謹其出入酒殺
之司或虧精潔望分命中使巡察從之咸平三年二月大宴
含光殿自是始備設春秋大宴五年御史臺言大宴起居舍

人司諫正言二院使御史並坐於殿廊自今移升朵殿餘依
舊翰林學士梁灝請以春秋大宴小宴賞花行幸次爲四圖
頒下閣門景德二年九月詔宴會宜令御史臺預定位次各
令端肅不得喧嘩違者殿上委大夫中丞朵殿委知雜御史
特御史廊下委左右巡使察視彈奏內職殿直以上赴起居
入殿庭行私禮者委閣門彈奏其軍員令殿前侍衛司各差
都校一人提轄但虧禮容卽送所司勘斷訖奏仍令閣門宣
徽使互相察舉本紀四年八月中書門下言莊穆皇后祥除
宴聽樂已久秋宴詩舉樂不允中書門下再表請秋
又不允大中祥符元年十二月詔內宴臣寮軍員并祗候使
臣等務遵儀制違者密具名聞其軍員有因酒言詞失次及
醉仆者卽先扶出又詔臣寮有託故請假不赴宴者御史臺

糾奏天禧四年直集賢院祖士衡言大宴將更衣羣臣下殿然後更衣更衣後再坐則羣臣班於殿庭候上升坐起居謝賜花再拜升殿仁宗天聖三年監察御史朱諫言大宴宗室先退允爲得禮自今內宴百官有父子兄弟叔姪同赴再坐時卑者先退慶歷七年御史言大宴賜花並須戴歸私第不得更令僕從持戴違者糾舉神宗熙甯二年裁定集英殿宴入殿人數中書二十二入樞密院三十人宣徽院八人親王八人昭德軍節度使兼侍中曹偁三人皇親使相三人皇親正刺史以上至節度使并駙馬都尉各一人翰林司百七十八人御厨六百人儀鸞司百五十人祇候庫二十人內衣物庫七人新衣庫七人內弓箭庫三人鈐轄教坊所三人鐘鼓

樓十六人御藥院八人內物料庫九人法酒庫十六人內酒坊八人入內內侍省前後行親事官共五人皇城司職員手分二人御史臺知班十一人灑掃親從官人員以下一百人兩廊覲步親從官四十二人提舉司勾押官手分三人提舉火燭巡檢人員十人快行親從官十一人支散兩省花後苑造作所工匠等四人客省承受行首八人四方館職掌二人閣門承受行首已下十八人七年九月詔大宴親王皇親使相樞密使副使宣徽使駙馬都尉並於殿門外幕次就賜酒食舊制會食集英西廊廡下喧嘩爲甚權發遣宣徽院吳充奏其事故有是命元豐七年二月大宴集英殿命皇子延安郡王侍立宰相王珪等率百官廷賀詔曰皇家慶事與卿等

同之時王未出閣帝特令侍宴以見羣臣大宴不用兩軍妓
女用教坊小兒舞至是王拱辰請以女童代之故事大宴前

一日御殿閱百戲謂之獨看修國史范祖禹請罷之元祐三

年二月罷春宴八月罷秋宴凡大宴有故而罷則賜預宴官

飲不從游宴亦遣中使就第賜馬親王中書樞密宣徽三司

使副等上步軍都虞候以上三師三公東宮三師三少以下

致仕者亦同徽宗大觀三年議禮局上春秋大宴儀其日

預宴文武百官詣殿庭東西相向立皇帝出御需雲殿閣門

內侍管軍等起居皇帝降坐御集英殿鳴鞭殿中監以下通

班起居殿中監少監升殿通喚閣門官升殿攝左右軍巡使

鞞笏起居訖繫鞵執杖侍立餘非應奉官分出次鐘鼓樓節

緩就位四拜起居次舍人通喚訖分引羣官橫行北向東上

閣門官贊大起居班首出班俛伏跪致辭訖俛伏興復位羣
官再拜舞蹈又再拜贊各就坐再拜舍人分引升殿席前相
向立朵殿兩廡官立於席後有遼使則舍人引大遼舍利西
入大起居贊各就坐贊再拜贊就坐引升西廊次舍人傳事
引從人分入四拜起居謝坐並同舍利儀教坊使以下通班
大起居看醞人謝升殿再拜內侍進御茶床殿侍酌酒訖次
贊天武門外祇候東上閣門官詣御坐奏班首姓名以下進
酒舍人分引殿上臣僚橫行北向贊再拜舍人引班首稍前
東上閣門官接引詣御座東北向搢笏殿中監奉盤醞授班
首少監啟醞以酒注之班首奉詣御前進訖少退虛跪興以
梁授殿中監出笏東上閣門官引退舍人接引復位贊再拜

舍人引班首稍前殿上臣僚席前相向立東上閣門官接引
詣御坐東北向搢笏殿中監授槃奉詣御前西向立樂作皇
帝飲訖舍人分引殿上臣僚橫行北向東上閣門引班首接
醖退虛跪與授醖殿中監出笏引退舍人接引復位贊再拜
贊各賜酒羣臣再拜贊各就坐羣官皆立席後復贊就坐酒
初行羣官搢笏授酒先宰相次百官皆作樂皇帝再舉酒並殿
中監少羣臣俱立席後樂作飲訖贊各就坐復行羣臣酒飲
訖皇帝三舉酒皆如第一之儀尚食典奉御進食太官設羣
臣食樂作賜祇應臣僚酒食贊謝拜訖復位皇帝四舉酒並
御進樂工致語羣臣皆立席後致語訖贊百官再拜就坐樂
作皇帝五舉酒樂工奏樂庭下舞隊致詞樂作舞隊出東上

閣門奏再坐時刻俟放隊訖內侍舉御茶床皇帝降坐鳴鞭羣臣退賜花再坐前一刻御史臺東上閣門催班羣臣戴花北向立內侍進班齊牌皇帝詣集英殿百官謝花再拜又再拜就坐內侍進御茶牀皇帝舉酒殿上奏樂庭下作樂皇帝再舉酒殿上奏樂庭下舞隊前致語樂作出皇帝三舉酒四舉酒皆如上儀若宣示醖卽隨所向閣門官以下揖稱宣示醖躬贊就坐若宣勸卽位席後躬飲訖贊再拜內侍舉御茶牀舍人引班首以下降階再拜舞蹈又再拜訖分班出閣門官側奏無公事皇帝降坐鳴鞭集英殿飲福儀初大禮畢皇帝遂頓飲福餘酒封進入內宴日降出酒三行泛賜預坐臣僚飲福酒各一醖羣臣飲訖宣勸各與立席後贊再拜謝訖

復坐飲並如春秋大宴儀高宗紹興十三年三月三日詔宴殿陳設用緋黃二色不用文繡五月閣門修大宴儀注孝宗乾道八年十二月詔今後前宰相到闕如遇赴宴賜茶其合

坐墩机非特旨並依官品又行門禁衛諸色祇應人依紹興

例並賜絹花

南渡無春秋二宴甯宗開禧二年以用兵罷瑞慶節宴理宗瑞平三年以星變罷天基節宴度

宗咸清九年以襄陽陷罷乾會節宴

凡幸苑囿池籞觀稼畋獵所至設宴惟從

官預謂之餽宴或宴大遼使副於紫宸殿則近臣及刺史正

郎都虞候以上預暮春後苑賞花釣魚則三館秘閣皆預太

祖建隆元年親征澤潞宴從臣於河陽行宮又宴韓令坤以

下於禮賢講武殿賜襲衣器幣鞍馬乾德三年七月詔皇第

開封尹宰相樞密使翰林學士中書舍人泛舟後苑新池張

樂宴飲極歡而罷是歲重陽宴近臣於長春殿太平興國九年三月詔宰相近臣賞花於後苑帝曰春氣暄和萬物暢茂四方無事朕以天下之樂爲樂宜令侍從司臣各賦詩雍熙二年四月二日詔輔臣三司使翰林樞密直學士尚書省四品兩省五品以上三館學士宴於後苑賞花釣魚張樂賜飲命羣臣賦詩習射賞花曲宴自此始三年十二月大雨雪帝御玉華殿詔宰臣及近臣謂曰春秋未嘗飲酒今得嘉雪與卿等同醉又出御製雪詩令侍臣屬和咸平二年二月晦賞花於後苑帝作中春賞花釣魚詩儒臣皆賦遂射於水殿盡歡而罷自是爲定制四年十一月御龍圖閣曲宴詔近臣觀太宗草行飛白篆籀八分書及畫景德六年七月詔輔臣觀

粟於後苑御山子觀御製文閣御書及嘉禾圖賜飲天禧四年七月詔近臣及寇準馮拯觀內苑穀遂宴於玉宸殿十月詔皇太子宗室近臣諸帥赴玉宸殿翠芳亭觀稻賜宴仍以稻分賜之天聖三年上元節朝謁景靈上清宮啟聖院相國寺還御正陽門宴從官觀燈次日太后詔命婦臨觀及春秋大宴歲爲常夏觀南御莊刈麥秋瑞聖園刈穀並宴從官或射不爲常皇祐五年後苑寶政殿刈麥謂輔臣曰朕新作此殿不欲植花歲以種麥庶知穡事不易也自是幸觀穀麥惟就後苑春夏賞花釣魚則歲爲之嘉祐七年十二月宴羣玉殿傳詔學士王珪撰詩序刊石於閣數日再會天章閣復宴羣玉殿酒行上曰天下無事樂與以等以之宜盡醉因召韓

琦至御榻前賜一大卮出禁中名花金盤貯香藥令各持歸
熙甯元年四月御史中丞滕甫言君命召不俟駕臣子所以
恭其上也今錫宴而有託辭不至者非恭上之節請自今宴
設羣臣非大故與實有疾病無得託辭二年八月實錄書成
皆宴垂拱殿十月修定閣門儀制所言垂拱殿曲宴當直翰
林學士與觀文資政龍圖寶文樞密直龍圖天章寶文閣直
學士並赴坐而翰林學士兼他職者不預似未齊一請自今
曲宴翰林學士與雜學士並赴從之紹聖三年十一月進神
宗實錄畢曲宴宰臣執政文臣侍郎武臣觀文使以上并修
國史官赴坐元符元年五月詔受寶畢宴宰臣以下於紫宸
殿大觀三年議禮局上曲宴儀皇帝視事畢東上閣門進呈

坐圖舍人奏閣門無公事皇帝降坐鳴鞭入殿後閣諸司排
設備東上閣門附內侍奏班齊皇帝出閣升坐鳴鞭三公直
學士以上親王使相至觀察使以上分東西入詣殿庭橫行
北向立定班首奏聖躬萬福舍人贊各就坐再拜訖分引詣
東西階升殿席前相向立次教坊使以下常起居次看酸人
謝升殿次內侍進御茶床殿侍酬酒訖閣門詣御坐躬奏班
首姓名以下進酒舍人分引殿上臣僚橫行北向贊再拜班
首奉酒躬進樂作皇帝飲訖舍人贊各賜酒羣官俱再拜贊
各就坐羣官皆立席後復贊就坐酒初行先宰相次百官皆
作樂後準此 尚食典奉御進食太官令設羣官食酒五行若宣
示酸卽隨所向閣門揖稱宣示酸躬贊就坐若宣勸卽立席

後躬飲贊再拜內侍舉御茶床舍人引班首以下降階橫行
北向再拜分班出皇帝降坐上已重陽賜宴儀其日預宴官
以下並赴宴所就次諸司排設備預宴官以下詣庭中望闕
位立次中使詣班首之左稍前立中使宣曰有敕在位官皆
再拜訖中使宣曰賜卿等御筵在位官皆再拜搢笏舞蹈又
再拜中使退預宴官分東西升階就坐酒行樂作飲訖食畢
樂止酒五行預宴官並興就次賜花有差少頃戴花畢預宴
官詣望闕位立謝花再拜訖復升就坐酒行樂作飲訖食畢
樂止酒四行而退

蔡京保和殿曲宴記宣和元年九月十二日皇帝召臣蔡京臣王黼臣燕王俱臣楚

王似臣嘉王楷臣剛漢王仲理臣童貫臣馬熙載臣蔡攸臣蔡條臣蔡翰宴保和殿天子歲時游豫則

上元幸集禧觀相國寺御宣德門觀燈首夏幸金明池觀水

嬉瓊林苑宴射大祀禮成則幸太一宮集禧觀相國寺恭謝
或詣諸寺觀焚香或至近郊閱武觀稼其事皆不一焉三元
觀燈本起於方外之說自唐以後常於正月望夜開坊市門
然燈宋因之上元前後各一日城中張燈大內正門結綵爲
山樓影燈起露臺教坊陳百戲天子先幸寺觀行香遂御樓
或御東華門及東西角樓飲從臣四夷蕃客各依本國歌舞
列於樓下東華左右掖門東西角樓城門大道大宮觀寺院
悉起三棚張樂陳燈皇城雉堞亦徧設之其夕開舊城門達
旦縱士民觀後增至十七十八夜

宋游觀及觀燈之宴紀志
所載事迹甚繁以非宴饗

之正故略
而不敘

遼太宗天顯四年春正月朔宴羣臣及諸國使觀俳優角觝

戲五月謁二儀殿宴羣臣會同三年五月以端午宴羣臣及諸國使命同鵝燉煌二使作本俗舞俾諸使觀之穆宗應歷十四年冬十一月日南至宴飲達旦十六年秋九月以重九宴飲夜以繼日累日乃罷十七年夏五月罷重五宴十八年正月朔宴於宮中不受賀觀燈於市以銀百兩市酒命羣臣亦市酒縱飲三夕景宗乾亨四年三月清明與諸王大臣較射宴飲聖宗統和三年閏九月重九駱駝山登高賜羣臣菊花酒五年春三月幸長春宮賞花釣魚以牡丹徧賜近臣歡宴累日道宗清寧元年十二月應聖節上太皇太后壽宴羣臣命婦四年十一月行再生及柴冊禮宴羣臣於八防陂時正旦冬至生辰清明重五重九皆有宴又仿宋制有賞花釣魚宴又有頭魚頭鵝宴及再生柴冊禮成宴則國俗所有也

金曲宴儀皇帝卽御座鳴鞭報時畢殿前班小起居到侍立位引臣僚并使客左入傍折通班至丹墀舞蹈五拜不出班奏聖躬萬福又再拜出班謝宴舞蹈五拜各上殿祇候分引預宴官上殿其餘臣僚右出次引宋使從人入至丹墀再拜不出班奏聖躬萬福又再拜有敕賜酒食又再拜引左廊立次引高麗使從人入分引左右廊立果床入進酒皇帝舉酒時上下侍立官並再拜接盞畢候進酒官到位當坐者再拜坐卽行臣使酒傳宣立飲畢再拜坐次從人再拜坐至四盞餅茶入致語聞鼓笛時揖臣使并人從立口號絕坐宴并侍立官並再拜坐次從人再拜坐食入五盞歇宴教坊謝恩畢揖臣使起果床出皇帝起入閣臣使下殿歸幕次賜花人從

隨出戴花畢先引人從入左右廊立次引臣使入左右上殿
位立皇帝出閣坐果床入坐立並再拜坐次從人再拜坐九
盞將曲終揖從人至位再拜引出聞曲時揖臣使起再拜下
殿果床出至丹墀宴舞蹈五拜分引出世宗大定三年五月
以重五幸廣樂園射柳命皇太子親王百官皆射勝者賜物
有差上復御常武殿賜宴擊毬自是歲以爲常二十八年三
月御慶和殿受羣臣朝復宴於神龍殿諸王公主以次奉觴
上壽上歡甚章宗承安元年七月御紫宸殿受諸王百官賀
賜諸王宰執酒敕有司以酒尊置通衢賜民縱飲三年正
月上諭旨有司曰比聞宋一化宴殿上不設餽饌至其歇時
乃備於廊下今花宴上賜食甚爲拘束若依彼例可乎且向

者人使見辭殿上亦嘗有酒禮今已移在館宴矣有司奏曰
曲宴之禮舊矣彼方酒一行食一上必相須成禮而國朝之
例酒既罷而食始進至於花宴日宋使至客省幕次有酒禮
而我使至其幕則有食而無酒各因其舊不必相同古者宴
禮設食以示慈惠今遽更之恐遠人有疑失朝廷寵待臣子
之意乃命止如舊四年七月敕宣徽院官天壽節凡致仕宰
執悉召與宴宣宗貞祐三年正月曲宴羣臣宋使定文武五
品以上侍坐員遂爲常制

元之有國肇興朔漠朝會宴饗之禮多從本俗世祖至元八
年命劉秉忠許衡始制朝儀而大饗宗親錫宴大臣猶用本
俗之禮爲多

輟耕錄天子凡宴享一人執酒觴立於右階一人執拍板立於左階執板者抑揚其聲贊曰幹脫執觴者如其聲和之曰打弼則執板者節一板從而王侯卿相合坐者坐合立者立於是眾樂皆作然後進酒詣上前上飲畢授觴眾樂皆止別奏曲以飲陪位之官謂之喝盞盞沿襲金舊禮至今不廢諸王大臣非有賜命不敢用焉幹脫打弼未考其義

明制有大宴中宴常宴小宴洪武元人大宴羣臣於奉天殿三品以上陞殿餘列於丹墀遂定正旦冬至聖節宴謹身殿禮二十六年重定大宴禮是日尙寶司設御座於奉天殿錦衣衛設黃麾於殿外之東西金吾等衛設護衛官二十四員

於殿東西教坊司設九奏樂歌於殿內設大樂於殿外立三舞雜隊於殿下光祿司官設酒亭於御座下之西膳亭於御座下之東珍羞醢醢亭於酒膳亭之東西設御筵於御座之東西設羣臣四品以上位於殿內之東西設羣臣酒尊食桌於殿外設五品以下位桌於東西兩廊司壺尚食各供乃事引禮引羣臣殿外東西相向立儀禮司跪奏請陞座駕興大樂作陞座鳴鞭樂止鳴贊引文武官四品以上由東西門入殿中橫班北向立五品以下官列於殿外丹墀北向立樂作贊四拜樂止光祿司官進御筵大樂作捧案至御前樂止進花樂作進訖樂止光祿司官開爵注酒捧詣御前進第一爵酒教坊司跪奏一奏炎精開運之曲贊內外官皆跪教坊司

跪奏進酒飲畢贊眾內外官俯伏興樂作贊四拜平身樂止
贊各就位序班隨進羣臣桌散花樂作散訖樂止序班卽進
羣臣盞第二爵酒教坊司跪奏二奏皇風之曲樂作光祿司
官斟酒御前序班隨斟羣臣酒教坊司跪奏進酒候皇帝舉
酒羣臣以次舉飲訖樂止光祿司官進湯鼓吹響節前導至
殿外鼓吹止殿上樂作羣臣起立光祿司官進湯御前羣臣
復位序班卽供羣臣湯樂止教坊司跪奏進湯樂作候皇帝
舉箸羣臣次舉皇帝進湯訖贊饌成樂止武舞入教坊司跪
奏平定天下之舞舞畢出第三爵酒教坊司跪奏三奏眷皇
明之曲樂作進酒如前儀樂止教坊司跪奏撫安四夷之舞
舞畢出第四爵酒教坊司跪奏四奏天道傳之曲樂作進湯

如前儀食畢教坊司跪奏車書會同之舞舞畢出第五爵酒
教坊司跪奏五奏振皇綱之曲進酒如前儀飲畢教坊司跪
奏百戲承應舞畢出第六爵酒教坊司跪奏六奏金陵之曲
進酒進湯如前儀教坊司跪奏八鸞獻寶進呈舞畢出第七
爵酒教坊司跪奏七奏長楊之曲進酒如前儀教坊司跪奏
採蓮隊子承應畢出第八爵酒教坊司跪奏八奏芳醴之曲
進酒進湯如前儀食畢教坊司跪奏魚躍於淵承應畢出第
九爵酒教坊司跪奏九奏駕六龍之曲進酒如前儀飲訖光
祿司官收御前爵序班隨收羣臣蓋光祿司官進湯進大膳
大樂作羣臣起立進訖復座序班隨供羣臣飯教坊司跪奏
進膳食訖贊膳成樂止光祿司官收膳訖教坊司跪奏百花

隊舞承應舞畢出鳴贊唱徹案序班撤羣臣桌訖光祿司官
卽撤御案贊宴成羣臣皆出席北向立序班卽撤羣臣坐殿
外官皆詣丹墀北向立贊鞠躬樂作贊四拜興平身樂止羣
臣分東西立儀禮司跪奏禮畢駕興大樂作鳴鞭百官以次
出中宴常宴凡中宴禮儀同大宴但進酒七爵凡常宴同中
宴但百官一拜三叩頭進酒或三爵或五爵而止續定大宴
儀是日陳設如前儀駕自右順門至奉天門丹陛大樂作陞
座鴻臚寺官贊拜百官四拜興平身樂止光祿司官進御筵
內官捧案進膳樂作設案畢樂止內官進花進膳樂作進訖
樂止教坊司跪奏一奏上萬壽之曲侑食樂作內官斟酒捧
爵至御案前鴻臚寺贊跪文武百官皆跪教坊司跪奏進酒

鴻臚寺官贊俯伏興平身樂止贊各就位百官就坐簪花訖
教坊司跪奏平定天下之舞舞畢出教坊司跪奏二奏仰天
恩之曲樂作內官斟酒捧爵至御案前教坊司奏進酒進酒
畢樂止殿外導湯樂作至殿內迎湯樂作內官捧湯至御案
前教坊司奏進湯樂作鴻臚寺官贊饌成內官撤湯樂止教
坊司奏黃童白叟鼓腹謳歌承應舞畢奏撫安四夷之舞舞
畢教坊司跪奏三奏感地德之曲樂作進酒如前儀樂止教
坊司跪奏車書會同之舞舞畢教坊司跪奏四奏民樂生之
曲樂作進酒如前儀樂止殿外導湯樂作至殿內迎湯樂作
內官捧湯至御案前教坊司奏進湯樂作鴻臚寺官贊饌成
內官撤湯樂止教坊司跪奏表正萬邦之舞舞畢教坊司跪

奏五奏感皇恩之曲樂作進酒如前儀樂止殿外導湯膳樂作至殿內迎湯膳樂作內官捧湯膳至御案前教坊司奏進膳樂作鴻臚寺官贊饌成內官撤湯膳并御筵樂止教坊司跪奏天命有德之舞舞畢奏纓鞭德勝蠻夷隊舞承應畢教坊司更進致語畢鴻臚寺官贊四拜興平身樂止鴻臚寺官跪奏禮畢凡大祀天地次日慶成大宴文武百官及四夷使臣土官人等其位次公侯駙馬伯文職四品以上及學士武職都指揮使以上陞殿東西侍坐學士坐於文職四品官之上翰林院左右春坊經筵官六科都給事中左右給事中尚寶司卿少卿司丞通政司參議大理寺寺丞國子監司業翰林院帶俸參議太常寺寺丞鴻臚寺少卿寺丞順天府治中

欽天監監正監副太醫院院使院判神樂觀提點道錄司知
觀等官中左門序坐皇親都指揮同知僉事達官都指揮同
知僉事署都指揮僉事皇親正副千戶百戶所鎮撫兵馬都
指揮外國副使野人都指揮等官中右門序坐翰林院修撰
等官六科給事中監察御史中書舍人陪祀郎中員外郎五
府經歷都察院經歷都事照磨檢校司務翰林院帶俸官太
常寺典簿博士等官犧牲所千百戶詹事府主簿通事舍人
鴻臚寺署丞主簿序班欽天監五官等官太醫院御醫達官
指揮使同知僉事正千戶副千戶百戶所鎮撫外國人等丹
墀東序坐指揮使指揮同知陪祀指揮同知僉事外國人等
丹墀西序坐其遇朝覲各布政使方面行太僕寺卿運使知

府官員陪祀者與宴方面官列於中左門班次卿運使知府列於東丹墀班次衍聖公張真人與宴列於二品文官班次其餘真人領宴及以事故者亦領宴其法王佛子國師禪師僧官喇嘛俱於大慈恩寺宴內官一員侍宴先期禮部官行各衙門開與宴官員職名畫位次進呈仍懸長安門示眾宴之日糾儀御史四人立於殿東西二人各於丹墀左右錦衣衛鴻臚寺禮科亦各委官糾舉

永樂元年以郊祀禮成
大宴十九年以北京郊

祀宗廟及宮
殿成大宴

凡正旦冬至萬壽聖節大宴並如慶成儀宣德

正統間朝官不預宴者給賜節錢鈔錠各處進表官亦令預宴免宴則通賜節錢宣德正統以後遇節令文武官及外夷人員并國師以下除有宴外其餘官吏人等俱照例關支節

錢官并監生鈔一錠儒士知印吏典僧道樂工二貫若奉旨
免宴關與節錢大小官員各鈔一錠遂爲定例凡立春元宵

四月八日端午重陽臘八日永樂間俱於奉天門賜百官宴

用樂其後皆宴於午門外不用樂立春日賜春餅元宵日團

子四月八日不落莢

嘉靖中改不落莢爲麥餅

端午日涼糕糴重陽日糕

臘八日麪俱設午門外以官品序坐宣德五年冬久未雪十

二月大雪帝示羣臣喜雪詩復賜賞雪宴羣臣進和章帝擇

其寓警戒者錄之而爲之序皇太后聖誕正統四年賜宴午

門東宮千秋節永樂間賜府部堂上春坊科道近侍錦衣衛

及天下進箋官宴於文華殿宣德以後俱宴午門外

上桌按酒四盤

菜四色點心一碟壽麵一梳酒三鐘中合桌同壽麵二梳酒六鐘

凡祀園丘方澤祈穀朝日

夕月耕藉經筵日講東宮講讀皆賜飯親蠶賜內外命婦飯
纂修校勘書籍開館暨書成皆賜宴閣臣九年考滿賜宴於
禮部九卿侍宴凡宴命婦坤甯宮設儀仗女樂皇后常服陞
座皇妃皇太子妃王妃公主亦常服隨出閣入就位大小命
婦各立於座位後丞相夫人率諸命婦舉御食案丞相夫人
捧壽花二品外命婦各舉食案於皇妃皇太子妃王妃公主
前大小命婦各就座位奉御執事人分進壽花於殿內及東
西廡酒七行上食五次酌酒進湯樂作止並如儀

秦蕙田曰三代以後封建廢而饗燕之禮亦亡惟天子宴
羣臣之禮累代相承不廢猶有鹿鳴天保之遺意焉漢魏
有元正朝會晉有冬至小會唐以後乃有聖節朝會皆於

稱賀之後備設筵宴謂之大宴其立春上元寒食上巳四月八日重午七夕中秋重九諸節亦有賜宴而或宴或否代各不同其天子特宴宰輔侍從諸臣無常期謂之曲宴至如國有大慶及大禮告成宮室落成之類亦多設宴雖未必盡合於古禮而可以通上下之情示慈惠之意亦太平盛事也至於宴蕃國主及使臣則入賓禮凱旋勞軍閱武饗射則入軍禮巡幸宴犒外官見辭幸勳戚第之類皆不常有且非宴饗之正故不及云